

地350  
42  
部22115

第一百一十五册

卷二百十八

孝友傳三

卷二百十九

孝友傳四

新纂雲南通志

盧漢題

簽





新纂雲南通志卷二百十八目錄

孝友傳三

臨安府

明

吳孝先 張覺 藍貴 高禧 楊慶

徐瀚 王制 姚九韶 孫世榮 竺翔鳳

紀謙 蘇一貫 張志連 馬文榮 沈瑜

馬良賢 王惠 董紹舒 張廷作 紀元

李元初 楊世春 戴天資 張任晟 許邦相

包萬化 龔朝傑 許綱 姚思敬 趙文宿

萬容 湯敬 趙臨大 雷運達 陳三祝

新纂雲南通志

卷二百十八

孝友傳三 目錄

段允明 張烜斗 蘇一水 趙仲 董恆

張桂 王以謙王獻等 李朝彥 趙昇戴敏 趙鎔張天麟

楊立錢大 增等 王惠楊卽立 張宗臣 杜鳳章段富 春等 王瀾

李朝鳳 孔一貫趙時 遇 王廷用尹仕 祿

清

鄔世善 賈彤 李嘉祥 王家松 李庚生

楊枝遂 萬瑀 趙鳳翼 劉廷表 房書

陳國琬 蘇宏名 台顏 尹韓 劉以仁

董玘 郭羽宸 旃嘉應 陳王佑 趙公勳

張耀吳 劉岫 尹宗漳 石永泰 夏景馥

楊文倬 李雲漢 聶為德 楊天與 楊麗中



楊濟和 余崇仁 祿秘 魏世臣 閔湛

張一德 汪來同 向舒 張運亨 段秉華

姜瑤 戴仕軒 楊鳳詔 蘇壽 張禔

劉廷遇 張聖謨 姚開中 趙文英 常健運

闕榮祖 錢士任 錢士元 向憲 王培本

徐鐸 向友善 飛聯元 王觀文 李映宮尹文煒等

楊志達趙臣勳等 汪世業師鳳先 向悅張象箕等 吳安邦王楠等 王燮元楊灼等

劉兆鵬 王昌禧 合揆向悌等 廖先魁尹坵 劉俊

唐偉 段秉勳 譚順 錢均 徐步雲

郭清華 馬禧俊朱慶元 蘇世泰 王時熙 張允中弟允經

柏為楹王楓等 董健 李對 闕天秩牛昂 朱珣

闕洽 孟光憲 朱柱 朱玉琨 沈昭

沈玉德弟玉時 朱為忠 祁以禮 曹一麟 李秉心

繆世杰 闕琛 闕自肅 蕭遠 儲昕

楊坤元 許從龍 許良佐 吳秉鈞 尹祥麟

李有德 沈鴻 劉德馨 劉瀛 呂恩培

張濤 王錦心 周士純 袁德洋 羅鎮芳

朱光 宋蔭東子繼光等 葉春芳 李大章 李汝賢

楊紹燮 戴長錦 李聯唐



新纂雲南通志卷二百十八

孝友傳三

臨安府

明

吳孝先，晉義人，幼名虎兒。洪武間，方十二歲，從父出遊，父為虎所攫。

孝先取父佩刀，砍虎死，父得生。人稱孝童。參萬曆志演繁

張覺，寧州人，幼失父，事母至孝。偶得異疾，夢人告之曰：有趙某者，孝

第一，汝孝第二，吾救汝疾。遂瘳。後禮部旌表孝子。雍正志

藍貴，字景高，臨安人。事親孝，謹待兄弟，友愛親，歿哀毀骨立。人以為

難。萬曆志

高禧，字產和，臨安人。事母問安視膳，久而不衰。萬曆志

新纂雲南通志

卷二百十八 孝友傳三 臨安府 明

楊慶，臨安人，少孤，性至孝。永樂間，征交趾，兄春亡於陣，再征慶代兄

子行，訛言亦陣亡。母痛二子俱歿，哭泣失明。逾年慶歸，徬徨不安，求

醫弗效，乃齋沐禱北辰，餽其親，日久而復明。人咸異之。萬曆志

徐瀚，臨安人，少讀書，性孝友。士夫咸有詩文贈之，推官張嵩為志。其

墓。萬曆志

王制，臨安人，府學生。喪父，悲慟弗已，既葬不忍家居，結廬墓側，焚

悲，戚人勸之歸，弗應。士類甚重之。萬曆志

姚九韶，臨安人，庠生。謹厚謙恭，居家無愧於人，倫內外咸稱為孝友。

萬曆志

孫世榮，臨安人，監生。性孝德純，事母飲食跪奉，扶父櫬躬檣，抵里不

避風雨，人皆以為難。萬曆志





竺翔鳳臨安人庠生制行端莊純誠克孝事父母生存有恙盡心侍疾衰老既歿廬墓追思而事死如生孝徹終始世教有補萬曆志

紀謙臨安人醫官早志業儒父患癩癩母李貧乏弟妹失所謙奮志幹蠱夙夜精醫奉養雙親承顏順志而親心悅豫撫育弟妹雖斗粟寸帛不爲已私推百金以遺諸弟之居助婚喪以周族人之窘用藥無分於貧富宅心不愧乎天人素爲士類鄉評所推重萬曆志

蘇一貫石屏人性至孝父久病朝夕同寢拊摩未嘗稱倦力耕資兄以讀書勞瘁無怨州人稱其孝友萬曆志

張志連石屏人三世同居子孫和睦竟無異志州中服其友愛有古陳氏之風萬曆志

馬文榮寧州人成化乙酉科鄉薦任雲南府訓導乞歸養母里居感

新纂雲南通志

卷二百十八

孝友傳三

臨安府

明

二

化稱孝子云萬曆志

沈瑜字延玉阿迷人早喪父事母孝成化丁酉母病垂危瑜盡心醫治病竟獲愈萬曆志

馬良賢通海人有孝行當道獎之萬曆志

王惠河西人父母有病俱垂危惠盡心醫治父母以是得延數年萬曆志  
董紹舒署峩人庠生孝出天性事親養志養體不遺餘力嘉靖十八年應貢當入京以母老不忍遠離士夫強之行至鐵爐關目暈心驚乃曰吾母思我遂回絕意仕進母終哀毀踰禮足不及公門縣白其事當道咸加獎勵榮以冠帶邑人羨之萬曆志

張廷作蒙白人嘉靖間土賊逼城劫殺其兄廷佩廷作見兄危急奮身救之俱被殺官爲建死義坊雍正志



紀元字調甫建水人萬曆間貢生父良卒於軍母李有廢疾三年不能動履元與妻郝氏晝夜敬事不怠母病癱危甚元爲跪吮而愈人稱誠孝所感萬曆志

李元初字復吾河西人萬曆庚子舉人將就選父扶杖送之覺悲悼即隨父歸結廬於邑之普應山終身不出雍正志

楊世春阿迷人事母孝母沒廬墓三年夜見執於盜祈死墓旁盜感釋而去鄉里稱爲楊孝子世春歿子弘亦廬墓三年參雍正志臨安府志

戴天資河西人母林目瞽天資跪而舐之雙目復明雍正志

張任晟建水人諸生少孤貧母孀弟幼任晟篤於孝友養母教弟兩弟皆成名尤邃於易雍正志

許邦相石屏人諸生事父母色養備至親歿喪葬一遵家禮廬墓三

年墓下急湧清泉學道范允臨題其泉曰孝感泉雍正志

包萬化臨安衛人諸生事親色養備至及歿哀毀幾絕祭必涕泣尤好周人之急以子見捷貴贈如其官雍正志

龔朝傑建水人諸生事親孝母歿廬墓三年父歿亦然不櫛不沐不設衽席尋以毀卒雍正志

許綱通海人家貧鬻薪養母僅有一子一日夫婦皆出母目瞽攜其子忽墜井中不能救母哭之慟綱歸曰有再生兒無再生母也寬譬萬端孝養益至撫按旌其門雍正志

姚思敬建水人天性孝友父母病衣不解帶躬親湯藥田宅財貨推讓其弟卒之日妻洪不食死萬曆志

趙文宿阿迷人性純孝菽水承歡終身不怠勅賜天下孝子第一雍正志



萬容字景儀建水人都指揮中長子事父及繼母能先意承志篤愛  
二弟推資不取尤好文學儒者重之萬曆志

湯敬字允恭建水人幼失怙恃事兄政克盡恭儉食必同席兄有疾  
湯藥必親致之雍正志

按萬曆志作馮敬

趙臨大營義人諸生明末野賊刦掠負母逃賊欲殺其母臨大哀求  
願以身代賊憐之獲免其子善慶亦以孝聞參雍正志  
晉我縣志

雷運建水人諸生五歲而孤母育之成立普曾叛負母入深山猝  
遇賊哀泣求代賊感動釋之終身依慕如嬰兒當時呼為雷孝子臨安府志

陳三祝建水人諸生普西亂郡城戒嚴母久病思飲北山泉水三祝  
乃縋城冒圍取泉以奉母當道旌曰能竭其力臨安府志

新纂雲南通志

卷二百十八

孝友傳三

臨安府

明

四

段允明建水人李定國屠臨安父兄皆罹於難允明年甫十二賊欲  
留之大罵求死遂遇害時稱臨安兩孝童謂允明與蒼義吳孝先也

臨安府志

張烜斗阿迷人賦性樸直拮据養親親歿鬻身營葬動合於禮時人  
以為樸孝臨安府志

蘇一水河西人性純孝父病禱於神求代生平好施多隱德將卒預  
知其期人咸重之臨安府志

趙仲營義人諸生祖之主任蘇州訓導卒仲尚幼稚求與叔父承唐  
至任所匍匐扶襯歸既葬廬墓三載祀忠孝祠臨安府志

董恆營義人諸生事父及繼母均有孝行卒祀忠孝祠晉我縣志

張桂蒙自人力耕養親親歿哀思廬墓三年與妻不相見里人為之



謠曰張桂行孝有妻不要

蒙目縣志

王以謙王猷辛光前均建水人李朝彥石屏人趙昇戴敏均阿迷人趙鎔張天麟均寧州人楊立錢大增李光新邵宗均通海人王惠楊即立均河西人張宗臣署我人杜鳳章段富春易登李朝聘及弟聯聘杜起爵及子芹均蒙自人以上皆有孝行

道光志

王瀾建水人李朝鳳阿迷人孔一貫趙時遇均署我人王廷用尹仕祿均蒙自人以上皆廬墓

道光志

清

鄔世善建水人幼孤丁亥之變祖母死於寇世善冒險覓其尸葬之事母以孝稱嘗得人遺金還之壯歲有子妻亡遂不娶

臨安府志

賈彤建水人劉彪弟也父出繼賈氏彪貴仍復原姓以彤嗣賈遂分

新纂雲南通志

卷二百十八

孝友傳三

臨安府

明清

五

兩姓痛父死丁亥之難事孀母備極孝養時繞膝作孩提狀以娛老壽事兄如父與人交誠一不二濟貧乏恤孤寡郡人德之公舉入孝

弟祠

臨安府志

李嘉祥阿迷人遭流寇之變扶父母出避道經兩岔河負母登岸父溺於水不及救母自傷亦投水急救起已死時寇方搜山嘉祥謹護母屍不敢離寇退繞河哭三日父屍浮出俱負至祖塋掩藏之日夕守焉事平具棺殮葬屍猶如生人以爲誠孝所感

臨安府志

王家松蒙自人本傅氏字出繼王皞爲子流寇之亂賊欲剽其父手家松挺身以代刑負創歸肢體已殘廢猶朝夕供菽水以博親歡鄉

里咸以爲孝

道光志

李庚生蒙自人父任揆明未諸生丁亥之亂賊殺任揆虜庚生至天



馬山下見父屍慟絕旬死賊以刃剔其頸繩斷而倒賊謂已死更繁他人更生匿父屍下得不死後三日賊退葬父山南庚生善讀書有志操後補諸生慟父死於寇難哀恨終身道光志

楊枝遂河西人天性純篤當童時值流寇之亂賊以刃割其父枝遂以身翼之傷其手賊憐之父子皆免於難續河西縣志

萬璠建水人諸生有文名父病癱吮之獲愈後居喪以哀毀歿臨安府志

趙鳳翼蒙自人家貧竭力養母康熙乙巳土酋叛母爲賊所獲脅贖以金鳳翼蒼黃鬻身贖母歸後力役償焉臨安府志

劉廷表寧州人幼有至性篤於孝友父之奇以屯賦賠累拘獄中時廷表年十四典身以償逋賦父歿愛諸兄弟妹甚摯叔父洪沛因亂逃避遠方俱尋訪勸歸分以家產每日父母既歿無由展孝父母所

繫念者吾厚之庶以安九泉也年八十有七臨安府志

房書字東壁石屏人康熙戊子舉人母歿廬墓以毀卒其弟子王林字西園雍正甲辰舉人親吮母癱孝行肖其師當時有每見西園輒

思東壁之語任馬龍州學正早卒參雍正志臨安府志

陳國琬建水人幼瞽習星命術養親生事死葬皆如禮弟早卒子幼撫如己出其妹亦寡國琬瞻之終身雍正志

蘇宏名石屏人好施與尤篤於宗族捐資建先祠置祭田數百畝禴祀所餘爲族人代納丁糧至今子孫守其遺法雍正志

台顏建水人貢生節婦舒氏子主事汝礪姪也汝礪阻亂離寄居上元顏奉母命往省視及至惟世母沐氏暨兩孀嫂存焉沐有萬金產不欲還將留以畀顏顏不可曰姪有母在乃歸養母母歿復詣江南



則沐已故產亦爲他人有顏扶七柩還里立弟之子繼伯兄後推產與之

臨安府志

尹韓字太原蒙自人性純篤冲年善事祖父祖享大年卒母歿三年不入內事父先意承志父得噎疾醫者皆云難愈韓怡怡婉順得其歡心父噎旋瘳篤愛兩弟以產分之兄弟子入庠序者皆韓所教育也

蒙自縣志

劉以仁字尚之蒙自人貢生幼失父母善事繼母與兩弱弟同臥起至弟娶婦乃已弟學稍倦輒加勸誘或至垂涕季弟以禮遂舉康熙庚子鄉試第一家居儉約歲積餘錢購鹽與棺木置法果寺等寨田租同邑中義倉隨時施散子嶮岱克成厥志又置田於雞街冬夏分

給孤貧

蒙自縣志

新纂雲南通志

卷二百十八

孝友傳三

臨安府

清

七

董玘字玉崖通海人康熙庚辰進士選翰林院庶吉士癸未散館授檢討乙酉典福建鄉試時稱得人丙戌乞假省覲遂不復仕以文公家禮倡於鄉力革浮靡俗愛讀書不盡卷不釋誨人曰讀書須字字體驗自身不爾即成誦何益鄉俗有違禮法者必侃侃爭不隨俯仰薦紳先生以爲模楷玘之養母也盤飧不過一蔬肉而左右省視志餘於口體之外蓋二十三年如一日云雍正初總督高其倬巡撫楊名時舉玘孝廉方正玘以母年老固辭不起戊申夏母有疾玘方病強起視藥物維謹母歿一痛幾絕竟以哀毀卒年五十有八

蔡世遠撰墓誌銘

郭羽宸河西人寄居新平窩泥寨舌耕養母素以孝聞雍正十年八月遭夷賊之變事起倉猝時母病垂危不及走避母驚死羽宸痛不欲生日夜哀號相繼而殞

雍正志



旃嘉應河西人有孝行雍正十三年祀忠孝祠

臨安府志

陳王佑寧州人事親篤孝父病身侍湯藥親滌溺器朝夕不懈父卒結廬墓側三年始歸

臨安府志

趙公勲寧州人諸生幼時質甚魯父母令其牧牛公勲不敢違荷箠挾策窮年不倦卒以成名母楊患羸病公勲沐浴顛天所以身代母獲痊後公勲已沒巡撫楊名時廉知其事命有司旌焉

參臨安府志道光

張耀吳字宿南蒙自人性孝友有膂力初習文以母老急博功名承歡改就武中雍正壬子亞元二兄早逝撫育諸姪成立郡省延爲幕不就或有強留者數日即辭歸曰吾寧與母食蔬糲也工書畫年六

十九卒

採採

劉响字起山蒙自人父以義止响一子教之嚴人曰公非一子耶曰

新纂雲南通志

卷二百十八

孝友傳三

臨安府

清

八

正惟一子不可縱也响能守家法性容忍人有非禮辱之者不與較而轉謝之耕田養母老而愈篤母或責之則長跪母前作孺子狀俟母色霽命之起乃起乾隆初由廩貢生授雲州訓導門人謁見言及其母輒墜淚遂相戒無言到官數月以母年踰七十請終養未報思慕成疾卒於官响待士有禮士皆愛重之及櫬歸送至十里外乃去子位廷官戶部員外郎

蒙自縣志

尹宗漳字荆山蒙自人監生性孝友與弟宗河情好尤篤宗河易文而武去產業幾半無慍色後宗河任貴州安籠守備卒於任宗漳質產數百金輿櫬歸葬代償宿逋初宗河以就武失業多不忍累兄求分產至是宗漳仍令合爨婚嫁其子女厚於已出而將已分之產以

半予之

道光志



石永泰建水人官都司幼孤事母以孝聞病篤醫藥罔效虔禱於神願以身代尋獲痊臨安府志

夏景馥建水人選貢生父因唐爲遊擊出師西藏沒於軍景馥徒步往扶櫬歸里風霜雨雪哀感行路後任秀山知縣以母老告養母沒哀毀卒涪州周煌題其堂曰忠孝堂臨安府志

楊文倬建水人諸生少時繼母嚴凡有譴責皆怡然順受兄逝一子已授室出亡十三年不知所往後聞其在楊州令子一揆萬里尋歸更爲之營家計卒年七十五臨安府志

李雲漢石屏人乾隆庚寅舉人進士雲程弟也父沒兄戍蜀負木主往兄所題點仍負歸廬墓三年風雨悲泣後染異疾卒成爲悼痛臨安府志聶爲德石屏人性樸魯與妻姜氏皆以孝著生二子母亡無以歛或

令於義會勺棺爲德泣曰吾母有子何累他人遂鬻次子於楊氏以葬楊姓虐使其子潛歸輒慰遣去與妻刻苦力作卒贖兒歸後二子同往廠地獲礦無數先時爲德夫婦皆患目疾至是復明人以爲孝感所致參臨安府志道光志

楊天與阿迷人貢生敦崇倫紀曲盡子職撫養弱弟善體親心復義倉修南橋皆勉力爲之乾隆間旌表臨安府志

楊麗中阿迷人諸生幼失母繼母李生三子不能容使出居布沼父病歸侍湯藥沒則獨任殯葬其養繼母也誠孝逾於諸弟送終之日哀禮有加焉臨安府志

楊濟和阿迷人諸生父沒貧無以葬躬負土成墳結廬墓側啜粥三年不食甘旨母沒哀毀亦如之臨安府志



余崇仁阿迷人孝事節母每出必懷物歸而奉之母沒賣屋以葬徙  
居墓側終其身

臨安府志

祿醜寧州人母楊孀居有日疾醜焚香誓於神立功過格以祈母壽  
昆弟偶有異言醜刺血書兄弟難得財產易求二語以自警兄弟感  
泣悔過卒年僅三十有八聞者惜之

臨安府志

魏世臣寧州人性篤孝父沒日則奉母夜則廬墓側三年乃歸母老  
病服葭始少健世臣竭力購之及沒與父合厝即廬墓不返有勸之  
歸者對曰與父母相依而死斯為樂耳年七十有五病篤子若孫昇  
回二日而卒

臨安府志

閔湛寧州人家貧工作以養繼母母沒鬻身營葬巡撫旌之

臨安府志

張一德通海人家貧力耕養母母病經年醫藥罔效一德齋沐虔禱

新纂雲南通志

卷二百十八

孝友傳三

臨安府

清

一〇

願修橋以延母壽橋成母病若失

臨安府志

汪來同通海人性至孝父母疾頃刻不離沒後悲哀泣血既葬遇佳  
辰令節跪墓前長號樵牧為之墮淚子士吉亦有孝行

參臨安府志道光志

向舒河西人諸生父患瘍經年虔禱求代繼母病食不下咽寢不安

席嘗藥滌穢無頃刻離及沒枕塊廬墓哀感里人乾隆間旌表

臨安府志

張運亨河西人八歲而孤事繼母孝處骨肉能曲體親心乾隆間旌

表

臨安府志

段秉華河西人父早沒母以悲哀成目疾屢醫不效有人告以山芩  
根可治入山求之數日始得服之果愈母沒葬西山去家十里秉華  
日至墓前焚香風雨無間如是者三年

臨安府志

姜瑤字美玉署義人父性嗜酒每貿易得錢輒償酒債瑤痛母早逝



事父先意承志供子職無缺與妻共操作養親親嘗外出久不歸音容闕寂塔蹙甚乃訣妻子裹糧周尋遇父於元江相持大慟勸之歸家貧析薪治圃爲養先儘父酒資餘贍家晨出採樵必挈壺置肆間反携酒刈蔬潔治以進日以爲常後家益貧父爲罷飲屢勸不聽命孫跪請乃復故親沒哀毀骨立喪葬不遺餘力春秋祭提父嘗飲壺薦酒哀慟墓側壺至今猶存塔五十壽終人稱其圃爲孝子圃滇南文略戴仕軒蒙自人事母克孝母病篤醫者謂不能起號泣籲於神願以身代恍惚間見神示以藥如示調服母即愈臨安府志楊鳳詔石屏人諸生事母孝母病痢思鮮山楂時三月果尙未花覓不能得一日尋蒿艾與母療足疾於涪潑中得鮮山楂數枚以進母食之遂愈人咸異之子琅以舉人爲學正贈如其官道光志

蘇蔚字岫舉石屏人暢華幼子也少歧嶷父鍾愛之父卒擗踊如成人事前母兄露恩禮周摯兄病蔚扶持湯藥晝夜不倦月餘而兄愈兄食指日繁人有勸蔚母析產可自豐者蔚婉言諫母以貧富有命惟和氣可以致祥因不肯析母卒哀毀盡禮處家庭間上下離肅以貢生肄業成均回籍遂卒道光志

張禔字天蔭寧州人性純孝早卒妻張守節不嫁里遭回祿及其家而媳人以爲一門節孝所感時同州施有聲魯榮材皆以孝行稱道光志劉廷遇字對揚通海人武生性至孝善醫父之璋中年喪明廷遇每出所爲何事所與居遊何人歸必以告之璋患溺結百藥罔效廷遇口吮至數十次乃愈事兄廷選克盡弟道又嘗解囊以贖族人卻金以慰病者事多可紀鄉老以孝子舉邑令欲爲請旌力辭乃已道光志



張聖謨通海人諸生生母早沒嫡母陳病咳夜不能臥以身倚之如是者十餘年迨病篤籲天願以身代從兄聖錫年老而貧聖謨盡以其產讓之

道光志

姚開中通海人性孝友少時悉讀孝經小學以父汝陟年老力穡服賈善體親心所獲貲財悉藏父笥惟父處分父沒後非兄命不敢專兄欲析產則涕泣問故兄曰子弟成立欲分爾之勞耳諫不允乃擇田宅之美者歸兄每日必面白首依依如孺子然

道光志

趙文英字育之通海人諸生本遺腹子事母盡孝內外無間言方束髮時見父有携其子者歸問母曰我父安在母指堂上木主泣曰汝父歿後而汝始生汝欲見父即此是也聞言痛哭悲不自勝後凡飲食必拜而薦之母歿哀毀骨立幾不欲生因母病究心醫理遂精其

新纂雲南通志

卷二百十八

孝友傳三

臨安府

清

一一一

術年八十餘卒旌表入祠

道光志

常健運河西人乾隆戊申舉人官偃師知縣天性純篤幼時父患癰癩頻以舌舐而愈父沒事孀母曲得歡心及沒喪葬如禮哀毀廬墓尤好義舉建宗祠設祭田置卷金族人咸沾其惠

道光志

闕榮祖字純其通海人乾隆壬子舉人幼失怙恃常以不能得事父母爲憾墓在阿迷之烏甸鄉因設教其地四十餘年不忍他適所得束修分養世父世父歿視從弟昌祖如同胞爲之成室昌祖沒教養其子無異己子

道光志

錢士任河西人性至孝父寢疾進藥侍疾竭盡心力

河西縣志

錢士元河西人孝友性成兄無嗣以己子繼之而分兄遺田給與兄女建先祠置書田撫寒族助嫁娶施藥施棺臨終焚借券皆見稱於



時河西縣志

向憲字泗源河西人天性篤孝父患足疾親為洗濯二十年如一日母病目跪為舐治久而復明生平好善嘗輸錢以周貧窶施棺以瘞窮骸送藥鑄方尤多隱德道光志

王培本字孝先蒙白人嘉慶戊辰舉人性謹慈父以漿布為業因漿水淋漓恆不襪履培本亦不襪履父責其失儒生體曰兒不忍父獨受寒凍也父笑而不責及長授徒百里外歲時必寄甘旨父母相繼卒寢苦枕塊哀毀骨立三年不飲酒食肉持身方正不受暗金未及中年遽爾齋志沒士林惜之道光志

徐鐸字敷五署義人嘉慶癸酉欽賜舉人性孝友母病痿每欲展大父母墓鐸與弟偉肩輿往復數十里不以為勞母卒廬墓父召之始

新纂雲南通志 卷二百十八 孝友傳三 臨安府 清

一三

歸後父得疾日侍湯藥衣不解帶者九年病劇籲天求代父卒廬墓三年乃歸偉歲貢生亦至孝父母卒三年不御葷酒道光志

向友善河西人幼孤善事祖父及孀母祖母目失明起居飲食朝夕必親奉不離左右嘉慶間以順孫旌表道光志

飛聯元河西人幼失怙恃祖父母撫之成人事祖父母和順承顏曲得歡心四十餘年如一日友愛二弟撫育成人道光九年以順孫旌

表道光志

王觀文建水人李映宮尹文煒尹文燦皆石屏人楊志達趙臣勳趙珍普如天祿潤魏海皆寧州人汪世業師鳳先皆通海人向悅張象箕錢肇元李作舟皆河西人吳安邦王楠董餒清王卜正皆署義人王燮元楊灼何凌雲皆蒙自人以上均有孝行道光志



劉兆鵬阿迷人王昌禧署峩人合揆雍正丁未進士吏部主事向悌張位翼王登元以上河西人廖先魁尹垞以上蒙白人皆廬墓道光志

劉俊字西獻建水舉人官貴州銅仁知縣方以卓異薦遷知州聞兄病急馳歸事之甚謹居鄉好倡義舉沒祀忠義孝弟祠光緒志

唐偉建水人母嬰瘋疾親調藥食始終無怠容及沒哀毀盡禮三年不內寢尤尚義凡造橋梁修廟宇設義倉賑孤貧皆竭力倡首不惜重資已則自甘儉約鄉里咸以孝義稱光緒志

段秉勳建水人諸生性篤孝父母同時患疽藥弗效以口吮之月餘始愈母卒廬墓三年同邑解珍亦有孝行光緒志

譚順建水人咸豐丙辰亂起殺戮之慘閭里爲墟父趣順遠逃順以父誓不能行願同死敵感其孝不殺亦不毀其廬同邑劉樸以義父

死難奮身殺敵力盡被害時邑民馬建功痛父陣亡潛入敵壘尋父首歸合尸葬之遂列於墓側光緒志

錢均建水人字治安歲貢生幼失怙恃家貧力學尤重氣節性純孝善事繼母孺慕之思老而愈篤譽洽鄉里光緒志

徐步雲石屏人生數歲而父母沒無強近親里人代瘞叢葬間少長隣有以孝經授子者聞之語未盡解心則酷慕入叩請教隣翁異之爲詮其義至孝親章伏地哀號自言失父母葬處翁固前曾葬者與俱往至則榛棘叢雜莫可辨識慟哭而返乃設木主朝夕虔祀每春秋佳日攜畚具備祭物至曩指處闢荒而祭有露骼必掩埋終身不美服食晚自購薄材作棺命子曰死以此斂葬我某岡勿封勿樹用

志吾恨年六十餘卒

光緒志



郭清華石屏人廩生少孤母以紡織供膏火讀甚勤稍暇即竭力代操作取中羣親爲澣洗母教之嚴誤輒呵撻必長跪哀祈婉轉承順母病癱日滌患處手調藥食歷數年無倦容光緒六年以疾卒於家

光緒志

馬禧俊石屏人奉回教事父母能得歡心父某甚純謹咸丙辰豐變將起父不欲從亂自知爲兩方所不容又年老不能行命僖俊早避僖俊曰天下安有舍父母而求生者耶卒不去無何亂作父自經僖俊亦跪縊父前時邑之朱慶元以亂起負母逃道逢亂黨求代母死竟被害光緒志

蘇世泰河西諸生孝事母問安視膳色養無違母病親調藥餌日不交睫者數旬母病獲愈光緒志

新纂雲南通志

卷二百十八

孝友傳三

臨安府

一五

王時熙河西諸生性端謹其父多善行時熙繼之凡立宗祠置祭田周族黨贍貧乏施藥焚券無不極力奉行家法嚴整八子二十孫幾百口不析爨內外肅然光緒志

張允中署我諸生成豐戊午敵入境父浩川罵敵敵將殺之允中力救不獲憤極率弟允經與敵鬪爲父報讎殺敵數人力盡被害光緒

二年兄弟同旌光緒志

柏爲楹優貢生王楓歲貢生楊文緒董六言諸生董于書太學生陸九衢民人均著我人以孝行彰著前後入祀忠義孝弟祠光緒志

董健字行齋通海人玘孫乾隆乙卯進士官檢討性純篤事母孝母少不豫卽長跪慰之色霽乃起在京供職聞母思念卽乞歸大府聘主五華書院講席迎養省垣母疾朝夕籲天求以身代及卒毀幾滅



性總督伯麟額其門曰孝思錫類

光緒志

李對通海人舉乾隆庚寅鄉試第一事祖母及父色養無違

光緒志

闕天秩牛昂均通海舉人二人隱居養親不事進取終父母身未嘗遠離昂曾以父疾默禱於神願減己算益父壽天秩則捐田租三十

石作邑試卷金以承父志

光緒志

朱珣通海人嘗賈於外每歸必求親所嗜物携以遺之事叔亦能盡

禮兄歿撫幼姪成立視同己子年九十卒

道光志

闕洽通海人母早逝父疾親調藥食夜不就枕困極隱几假寐聞父聲急起侍如是兩月及沒喪葬如制每食必祭當私祭日輒詣墓痛哭日沒乃返

光緒志

孟光憲通海人父沒時祖已七十光憲欲慰祖心率弟勤讀晨興詣

新纂雲南通志

卷二百十八

孝友傳三

臨安府

清

一六

祖寢室問安畢為滌溺器夜則理衾枕視寒暄數年無怠志

光緒志

朱柱通海人布政司經歷父魁鼇出任昭平令柱事祖色養無違及父告歸事之愈謹於繼母庶母間亦無失禮有異母弟愛如同胞郡

守旌其門曰孝友可風

光緒志

朱玉琨通海諸生家貧隨父賈蒙自闔閭間不疏定省及旋里依依膝下寢食不離父沒玉琨年已七十間日必携杖謁墓風雨無間手置田產與兄弟共之不少私

光緒志

沈昭字懋德通海副榜父病盡心醫治病得愈事繼母能得其歡心博學誘掖後進多所成名同邑管起奎亦以孝母聞

光緒志

沈玉德通海人幼孤家貧與弟玉時事瞽母竭力供旨甘兄玉貴遠販以虧貲流落他省兄弟醵金尋歸為立室家白首同居家庭怡怡



光緒志

朱為忠字蓋臣通海人大挑知縣以親老不忍遠離辭歸授徒供甘旨終親年不出光緒志

祁以禮通海武舉家貧母老有幼弟為母所鍾愛恐不能謀生產常隱憂以禮窺知貿易數年得貲悉購田宅遺弟以慰母心光緒志

曹一麟通海人父嬰溺結諸醫束手一麟日求刀圭卒得藥治愈光緒志

李秉心字子耕通海拔貢事父母躬親色養待諸弟極備友愛數十年如一日光緒志

繆世杰通海諸生事兄若父兄性褊急常詬詈世杰順承恭敬之心未嘗稍替光緒志

闕琛通海諸生克敦孝友兄早歿遺三子家素貧謀食之餘復訓之

新纂雲南通志

卷二百十八

孝友傳三

臨安府

清

一七

成名光緒志

闕自肅通海人幼失怙恃與弟同居終身怡怡邑令旌其門曰孝友傳己所置產悉以公之光緒志

蕭遠通海人幼失怙恃與弟同居終身怡怡邑令旌其門曰孝友傳家光緒志

儲昕通海人貧無儋石隨兄服賈養親親年九十卒哀毀盡禮兄八十事之若父無子以冢子嗣之光緒志

楊坤元通海人喪母孝事父力備珍羞兄無子為置妾仍不育乃以子嗣弟復喪子以孫嗣之光緒志

許從龍通海諸生母病憂形於色肌為之減及沒哀毀逾節里人咸以孝稱光緒志



許良佐通海人事母孝色養不衰母沒哀痛逾節光緒志

吳秉鈞通海副榜事繼母極孺慕嘗肄業省垣每月必徒步歸省數

年不渝光緒志

尹祥麟通海舉人任含山知縣幼爲伯祖後伯祖沒父母尚存諸弟

皆幼祥麟購田宅奉父母諸弟同居孝親友弟始終不違光緒志

李有德臨安人事父母善體親心母邁疾久困牀第有德調藥餌任

櫛沐數年不懈光緒志

沈鴻臨安人父早沒傭工養母甘脆之奉未嘗缺母染疾手足不仁

每登直必抱就之櫛沐澣濯備極辛勤歷數年不怠光緒志

劉德馨阿迷貢生家貧親老授徒以養飲食之奉備極旨甘撫三弟

成立道光初有司將以孝友請旌德馨詣公堂泣叩曰親恩罔極豈

易云報何敢以分內之事上邀美名卒不果請光緒志

劉瀛阿迷拔貢善事孀母凡奉母者必敬致之每食侍母側母食畢

然後集兄弟同食於前兄弟有不至者不先舉箸後任元謀教諭見

生徒必正衣冠肅容止終日無怠士林咸奉爲楷模光緒志

呂恩培建水縣曲江人邑庠生性孝謹父玉書字儒齋亦邑庠生性

剛直嫉惡如仇咸同之變賊勢方張其怨家乃倚賊勢欲相害因使

賊脅玉書前往議事玉書知勢不可辭乃隨賊往恩培從之行中途

賊謂之曰爾父死期已至爾盍自逃恩培曰父既死子焉用活爲於

是父子皆遇害採訪

張濤河西增生幼失怙事母惟謹事無鉅細務悅親心同堂兄弟三

人皆貧濤代立室家雖竭力不恤生平誘掖後進孳孳不倦子弟多



賴以成名

光緒志

王錦心字屏珊蒙白人光緒乙酉拔貢戊子舉人官新平縣教諭有文學事親尤孝母疾篤錦心盡心醫治卒延壽二十年鄉里稱之訪探周士純字體仁署峩人諸生生平誠信無欺樂善不倦弟士雲早卒教育其子傳性傳經成立均有名於時訪探

袁德洋字凝道石屏人幼有至性十歲從父母往六順山始受學雖病不輟及冠還石屏父目眚德洋以舌舐之目復明每入城市甘旨往來二十餘里雖風雨不敢休厥後父終於六順德洋扶櫬歸三遇寇綦危矣卒無恙既歸葬遂奉母家居不復出母既終養值忌日輒涕泗歷久不渝兄早逝事寡嫂撫孤姪於族人別良莠而勸戒之幼者矜之婚喪者助之貧無力者推田產以與之先代已失之產雖瘠

新纂雲南通志

卷二百十八

孝友傳三

臨安府

清

一九

土薄田必贖歸索價高不敢惜曰勿令祖宗姓名久質於人守祖宗遺訓不興訟不逋賦於是思茅有某富翁者慕德洋名特遊石屏交德洋久而後歎曰公孝敬忠厚人也拜辭而去德洋生道光乙未卒光緒丁亥得年五十有四子九人嘉穀最賢陳榮昌撰墓碑

羅鎮芳字棨堂石屏人同治庚午武舉事母克孝親滌溺器卒年八十七有子十人長春長華長林均武進士人以為孝親之報訪探

朱光原名桂慶字越宣石屏人淳孫光緒乙亥舉人事母能養志母壽百歲光年近七旬猶承顏娛親有老萊子之風撫諸姪如子各量其才為謀事業與蒙自李光翰交四十年不渝鄉里稱之訪探

宋蔭東原名蔭培字樾軒石屏人光緒庚辰進士授戶部額外主事在京供職十餘年補缺在即聞父病癱輒遂告終養歸率諸子晝夜



服侍數年不懈父卒鄉里欽其道德延掌玉屏書院未幾卒子繼光  
述光俱諸生隨父侍祖疾備盡孝道鄉黨稱順孫焉訪採

葉春芳字芷洲石屏人光緒壬午舉人官呈貢教諭事繼母以孝聞

訪採

李大章字曉樓石屏人諸生父某咸豐中陣亡威遠時大章年尙幼

冒險往尋父骨歸葬鄉里驚異焉訪採

李汝賢字子勤石屏人廩貢生事父母孝父疾與弟汝明盡心侍疾  
半年不懈母歿慟哭嘔血廬墓百日弟卒視諸姪如子教之成名後  
官騰越訓導時教諭同鄉劉子莊病歿汝賢舉本面應分公禮銀盡  
讓之子莊乃得數千里歸櫬鄉里高其義晚官畢節知縣亦有政聲

訪採

楊紹燮字政理一字琴堂河西人歲貢生孝行純篤母老病泄瀉日  
易衣且十數次紹燮躬自浣滌滌積數旬無稍怠自奉甚儉然遇人  
之急解囊不惜鄉人有欲賣屋以償債者有成言矣紹燮聞之馳告  
曰無先人敝廬何以蔽風雨勸令止其生平見義勇爲多類此云訪採  
戴長錦河西人事父母以孝聞有叔早卒無子叔母寡居錦事之惟  
謹叔母生肉瘤於肩瘤綻膿血滴流腥穢狼藉錦每日親爲之敷藥  
滌其患處一日取薪煎藥薪斷傷目終無怨言訪採

李聯唐字舜臣河西人幼孤家貧即知孝母咸同之亂縣城被圍又  
值薦饑貧者至以草木充食聯唐時方十二歲念此非可持久有姑  
適通海乃冒險往告貸不意失望乃樵以易米積日得數升欲負回  
以救母姑止之曰聞敵圍攻河城滋急若去必無倖不如居此以存



先人祀聯唐泣曰吾不忍獨生而令母死也遂負米間行歸卒救全其母自是遂學商久之家寢裕始授室生子晚年稱小康焉母蒙旌表嘗訓之曰吾家乃兄弟孝廉之後書香不可斷絕聯唐承母志勉子讀書游泮母晚年得疾艱於動作滌溺器梳髮濯足皆聯唐代爲之會母足患疥瘡濃血并流聯唐左右服役積百餘日迨母愈而聯唐已勞苦成疾卒其待人以誠嘗倡設義米會貧者至今賴之

採訪